

სსიპ ეროვნული სატყეო სააგენტო

საკანონმდებლო და კანონმდებლბარე აქტების მონაცემთა ბაზის განახლების მომსახურების (მონაცემთა ბაზისა და ოპერაციული პროგრამული პაკეტი) (CPV – 48600000; 48614000;) გამარტივებული ელექტრონული ტენდერის საშუალებით შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.

ქ.თბილისი

2013 წელი

სარჩევი

1. ინსტრუქცია ტენდერში მონაწილეობის
2. ტექნიკური დოკუმენტაცია
3. სახელმწიფო შესყიდვების შესახებ ხელშეკრულების პროექტი
4. დანართი № 1 ტექნიკური დავალება და ფასების ცხრილი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად. (იხ. www.procurement.gov.ge)

2. ტექნიკური დოკუმენტაცია

2.1 პრეტენდენტის მიერ სისტემაში ასატვირთი ინფორმაცია და მონაცემები:

2.1.1 რეკვიზიტები:

- ა) პრეტენდენტის იურიდიული ფორმა, დასახელება და საიდენტიფიკაციო კოდი;
 - ბ) ხელმძღვანელის სახელი და გვარი;
 - გ) პრეტენდენტის იურიდიული ან/და ფაქტიური მისამართი და ტელეფონის ნომერი;
 - დ) პრეტენდენტის ელექტრონული მისამართი;
 - ე) მომსახურე ბანკის დასახელება, ბანკის კოდი და ანგარიშსწორების ანგარიში.
- 2.1.2 პრეტენდენტმა უნდა წარმოადგინოს სატენდერო წინადადების ფასი დანართი № 1-ის მიხედვით;
- 2.1.3 დღგ-ს გადამხდელის შემთხვევაში ცნობა შესაბამისი სამსახურიდან.

2.2 ანგარიშსწორების პირობები:

- 2.2.1 სატენდერო წინადადებაში საერთო და ერთეულის ფასი გამოსახული დღგ-ს გარეშე;
 - 2.2.2 ანგარიშსწორება მოხდება უნაღდო ანგარიშსწორებით ღარებში;
 - 2.2.3 ანგარიშსწორება მიმწოდებელთან განხორციელდება ყოველთვიურად, მომსახურების გაწევის შემდეგ, მიმწოდებლის მიერ ინვოისის და/ან საგადასახადო ანგარიშ-ფაქტურის (დღგ-ს გადამხდელის შემთხვევაში) წარმოდგენიდან 20 (ოცი) კალენდარული დღის განმავლობაში;
 - 2.2.4 წინასწარი ანგარიშსწორება (ავანსი) არ გამოიყენება.
- 2.3 შესყიდვის ობიექტის ტექნიკური პარამეტრები: შესყიდვის ობიექტის ტექნიკური დავალება და ფასების ცხრილის ფორმა მოცემულია დანართი № 1-ის სახით.
- 2.4 მიწოდების პირობები და ვადები: მომსახურება უნდა განხორციელდეს 2013 წლის 01 ივლისიდან 2013 წლის 31 დეკემბრის ჩათვლით.
- 2.5 დაფინანსების წყარო – საკუთარი სახსრები.

2.6 შესყიდვის საგარაუდო ღირებულება – 1900 (ერთი ათას ცხრაასი) ლარი, დღგ-ს გარეშე.

- 2.7 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი. სხვადასხვა ვალუტაში გამოსახული სატენდერო წინადადებები არ განიხილება.
- 2.8 ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 2.9 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 2.10 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).
- 2.11 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 2.12 პრეტენდენტს არა აქვს უფლება წარმოადგინოს ალტერნატიული წინადადება.
- 2.13 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.
- 2.14 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით, ასევე შეუძლია სატენდერო კომისიის აპარატში, მისამართზე: ქობილისი, გ. გულუას ქ. № 6, სსიპ ეროვნული სატყეო სააგენტოს ფინანსური დეპარტამენტი, მე-2 სართული. ტელეფონი: 272-72-88; 599163130; 595304004. საკონტაქტო პირი: დავით ტაბატაძე, დავით კოპალიანი.

შენიშვნა:

პრეტენდენტის მიერ წამოდგენილი (ერთიან ელექტრონულ სისტემაში ატვირთული) ყველა დოკუმენტი ან/და ინფორმაცია ხელმოწერილი და ბეჭედდასმული უნდა იყოს ხელმძღვანელის ან მის მიერ უფლებამოსილი პირის მიერ.

3. სახელმწიფო შესყიდვების შესახებ ხელშეკრულების პროექტი

„სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის № 9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის მოთხოვნათა შესაბამისად, სსიპ ეროვნული სატყეო სააგენტოს მიერ სახელმწიფო შესყიდვის განხორციელების მიზნით, საკუთარი სახსრებით, გამარტივებული ელექტრონული ტენდერის საშუალებით. (SPA -----) (CPV 48600000);

ერთის მხრივ სსიპ ეროვნული სატყეო სააგენტო (შემდგომში **შემსყიდველი**) უფროსის ბიძინა გიორგობიანის სახით, **მისამართი:** ქობილისი, გ. გულუას ქ. № 6, ს/კ 204578581, **ტელ:** 727288. **საბანკო რეკვიზიტები:** ქობილისი, ს.ს. „ლიბერთი ბანკი“-ს ცენტრალური ფილიალი, ბანკის კოდი BRTGE22, ა/ა GE24LB012112350449000, **ხოლო მეორეს მხრივ** -----

1. ხელშეკრულებაში გამოყენებულ ტერმინთა განმარტება

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და გამარტივებულ ელექტრონულ ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელმაც მოიპოვა გამარჯვება გამარტივებულ ელექტრონულ ტენდერში და ახორციელებს მომსახურების მიწოდებას ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 მიმწოდებელი უზრუნველყოფს შემსყიდველის საკანონმდებლო და კანონქვემდებარე აქტების მონაცემთა ბაზის განახლების მომსახურებით 2013 წლის 01 ივლისიდან 2013 წლის 31 დეკემბრის ჩათვლით.

2.2 ხელშეკრულებით გათვალისწინებული მომსახურების აღწერა მოცემულია ტექნიკურ დავალებაში, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

3.1 ხელშეკრულების ჯამური ღირებულება შეადგენს ----- ლარს.

4. ანგარიშსწორების ფორმა და ვადები

4.1 შესყიდული მომსახურების ღირებულების ანაზღაურება განხორციელდება ფასების ცხრილის შესაბამისად, უნაღდო ანგარიშსწორებით, მომსახურების გაწევის შემდეგ, ეტაპობრივად, მიმწოდებლის მიერ მითითებული რეკვიზიტების მიხედვით.

4.2 ანგარიშსწორების ვადა/გრაფიკი – შესაბამისი შუალედური სააანგარიშსწორებო დოკუმენტაციის გაფორმებიდან არაუმეტეს 20 (ოცი) კალენდარული დღის განმავლობაში.

5. მიღება-ჩაბარების წესი

5.1 მომსახურება ჩაითვლება მიღებულად მხოლოდ მხარეთა მიერ გაფორმებული სააანგარიშსწორებო დოკუმენტაციის ხელმოწერის შემდეგ.

6. მხარეთა უფლება-მოვალეობანი

6.1 შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) მოსთხოვოს მიმწოდებელს ნაკისრი ვალდებულებების ჯეროვანი, კეთილსინდისიერი და დროული შესრულება.

6.2 შემსყიდველი ვალდებულია:

ა) უზრუნველყოს მიმწოდებლის მიერ გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.3 მიმწოდებელი უფლებამოსილია:

ა) მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4 მიმწოდებელი ვალდებულია:

ა) გასწიოს მომსახურება სათანადო ხარისხითა და სრული მოცულობით, განუხრელად და ჯეროვნად შეასრულოს ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში;

7. ხელშეკრულებით ნაკისრი ვალდებულებების შესრულების ინსპექტირება-კონტროლი

7.1 შემსყიდველს უფლება აქვს მიმწოდებლის მიერ მომსახურების განხორციელებისას განახორციელოს კონტროლი. კონტროლს ახორციელებს შემსყიდველის წარმომადგენლები: სსიპ ეროვნული სატყეო სააგენტოს ფინანსური დეპარტამენტის მატერიალურ-ტექნიკური უზრუნველყოფის სამმართველოს უფროსი მინდია ხაზარაძე და ამავე სააგენტოს ანალიტიკური დეპარტამენტის ქსელების ადმინისტრატორი ბორის ნაფეტვარიძე.

8. ხელშეკრულებაში ცვლილებების შეტანა და ხელშეკრულების შეწყვეტა

8.1 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის,

გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.2 ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

8.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს არანაკლებ 5 (ხუთი) კალენდარული დღით ადრე წერილობით.

8.4 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა (ფორს – მაჟორი)

9.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (ფორს–მაჟორი) ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

9.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. მხარეთა პასუხისმგებლობა

10.1 მიმწოდებელი კისრულობს პასუხისმგებლობას გადაუხადოს პირგასამტეხლოს სახით შემსყიდველს ამ ხელშეკრულებით გათვალისწინებული მომსახურების განხორციელების ვადების და ხელშეკრულების ნებისმიერი პირობების დარღვევის შემთხვევაში ხელშეკრულების ღირებულების 1 (ერთი) პროცენტი ყოველი ვადაგადაცილებული დღისათვის.

10.2 მხარეები თანხმდებიან, რომ თუ მიმწოდებლის მიერ, მომსახურების განხორციელების ვადების გადაცილებისათვის დაკისრებული პირგასამტეხლოს საერთო ოდენობა გადააჭარბებს ხელშეკრულების ღირებულების 10 (ათი) პროცენტს შემსყიდველი უფლებამოსილია ვადაგადაცილებული დღეებზე დაკისრებული პირგასამტეხლოსთან ერთად დააკისროს მიმწოდებელს პირგასამტეხლო ხელშეკრულების მთლიანი ღირებულების 10 (ათი) პროცენტის ოდენობით და გაწევიტოს ხელშეკრულება, უარი თქვას მომსახურების მიღებაზე და ანაზღაურებაზე.

10.3 პირგასამტეხლოს გადახდა არ ანთავისუფლებს მიმწოდებელს ნაკისრი ვალდებულების შესრულებისაგან.

11. დავები და მათი გადაწყვეტის წესი

11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

12 ხელშეკრულება ძალაში შედის მისი ხელმოწერიდან და მოქმედებს 2013 წლის 31 დეკემბრის ჩათვლით.

„შემსყიდველი“

„მიმწოდებელი“

4. ტექნიკური დავალება და ფასების ცხრილი

4.1 შესყიდვის ობიექტია - სიიპ ეროვნული სატყეო სააგენტოსათვის საკანონმდებლო და კანონქვემდებარე აქტების საინფორმაციო საძიებო სისტემით მონაცემთა ბაზის განახლების მომსახურების გაწევა, კერძოდ:

4.1.1 საკანონმდებლო და კანონქვემდებარე აქტების მონაცემთა ბაზის განახლების მომსახურების შესრულების ვადაა 2013 წლის 01 ივლისიდან 2013 წლის 31 დეკემბრის ჩათვლით;

4.1.2 ტენდერში გამარჯვებულმა ორგანიზაციამ საკანონმდებლო და კანონქვემდებარე აქტების მონაცემთა ბაზის განახლება უნდა განახორციელოს სიიპ ეროვნული სატყეო სააგენტოს სერვერზე დაახლოებით 30 (ოცდაათი) მომხმარებლისათვის;

4.1.3 მომსახურების გაწევის ადგილია ქ. თბილისი გ.გულუას ქუჩა № 6.

4.1.4 საკანონმდებლო და კანონქვემდებარე აქტების მონაცემთა ბაზის განახლების მომსახურების გაწევა უნდა მოიცავდეს:

ა) სერვერზე და ცალკეული მომხმარებლისათვის საჭიროების შემთხვევაში პროგრამის ინსტალაცია;

ბ) - მომსახურება მოიცავს 2013 წლის 27 იანვრამდე მიღებულ და მოქმედ:

- საქართველოს კონსტიტუციას;

- საქართველოს პარლამენტის კანონებსა და დადგენილებებს;

- საქართველოს პრეზიდენტის (პარლამენტის თავმჯდომარე - სახელმწიფოს მეთაურის) ბრძანებულებებს და განკარგულებებს;

- საკონსტიტუციო და უზენაესი სასამართლოების განჩინებებს, გადაწყვეტილებებსა და პლენუმის დადგენილებებს;

- საქართველოს მთავრობის (მინისტრთა საბჭოს, მინისტრთა კაბინეტის) ძირითად დადგენილებებს;

- საქართველოს ეროვნული ბანკის, საგადასადო სამსახურისა და ფინანსთა სამინისტროს მიერ 1993 წლის 1 იანვრიდან მიღებულ ძირითად კანონქვემდებარე და ნორმატიულ აქტებს (დადგენილებები, ინსტრუქციები, დებულებები, მითითებები, წერილები და ა.შ.);

- ქ. თბილისის საკრებულოსა და მერიის საქალაქო კოლეგიის გადაწყვეტილებებს, აგრეთვე

მუნიციპალიტეტის კაბინეტის დადგენილებებს;

- საბაჟო სამსახურის, ქონების მართვის სამინისტროს და სხვა სამინისტროების მრავალ

დოკუმენტს.

- კოდიფიცირებული მომსახურება უნდა მოიცავდეს 2013 წლის 27 იანვრამდე მიღებულ მოქმედ და კოდიფიცირებულ საქართველოს ყველა კანონსა და კოდექსს;

- საერთაშორისო ხელშეკრულებები უნდა მოიცავდეს 2013 წლის 27 იანვრამდე მიღებულ საქართველოს მიერ ხელმოწერილ საერთაშორისო ხელშეკრულებებს, შეთანხმებებს, ოქმებს, დეკლარაციებს, მრავალმხრივ ხელშეკრულებებს, საერთაშორისო კონვენციებს;

- ინფორმაციის განახლება უნდა მოხდეს არანაკლებ კვირაში ერთხელ, ახალი საკანონმდებლო და ნორმატიული აქტების მიღების შესაბამისად.

გ) მოქმედი (კოდიფიცირებული) რედაქციით ჩვენება-ჩამოტვირთვის შესაძლებლობა.

4.1.5 პრეტენდენტს უნდა ჰქონდეს გამოცდილება ანალოგიურ მომსახურებებზე არანაკლებ ერთი წელი. რაზედაც წარმოდგენილი უნდა იქნეს ინფორმაცია გაწეული ანალოგიური მომსახურების შესახებ უკანასკნელი ერთი წლის განმავლობაში (კომპანიების და მომსახურების ვადების მითითებით).

№	მომსახურების დასახელება	რაოდენობა	ერთეულის ფასი (1 თვეში)	საერთო ფასი (6 თვეში)
1	„საკანონმდებლო და კანონქვემდებარე აქტების მონაცემთა ბაზის პირველადი ინსტალაცია სერვერზე და 30 (ოცდაათი) მომხმარებელზე“	ერთჯერადად		
2	„საკანონმდებლო და კანონქვემდებარე აქტების მონაცემთა ბაზის ინფორმაციული განახლება 1 (ერთი) სერვერზე“	6 თვე (01.07.2013-დან 31.12.2013-ჩათ)		
სულ:				

შენიშვნა:

1. სატენდერო წინადადებაში საერთო და ერთეული ფასი წარმოდგენილი უნდა იყოს დღგ-ს გარეშე.

2. გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ვაჭრობის შედეგად დაფიქსირებული საბოლოო ფასების ცხრილი. ფასების ცხრილი წარმოადგენს ხელშეკრულების განუყოფელ ნაწილს.

პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----